

四庫全書

集部

欽定四庫全書

集部

文苑英華卷一百四十九至
五十一

詳校官內閣學士臣瑞保

助教臣常循覆勘

總校官進士臣朱鈐

校對官編修臣秦泉

謄錄監生臣于希賢

欽定四庫全書

文苑英華卷一百四十九

宋 李昉等 編

草木七

庭菊賦一首

百合花賦一首

闕

浮萍賦二首

水藻賦一首

艾人賦一首

荷珠賦一首

牡丹賦一首

瓜賦一首

庭菊賦

并序

楊炯

庭菊美貞芳也天子幸於東都皇儲監守於武德之殿
以門下內省為左春坊今庶子裴公所居即黃門侍郎
之廳事也其庭有菊焉中令薛公昔拜瑣闥此焉遊處
今兼左庶子止於東廳薨宇連接洞門相向每罷朝之
後未嘗不遊於斯詠於斯覽叢菊於斯歎其君子之德
命學士為之賦是日也薛愷一作凱以親賢為洗馬田巖
以幽貞為學士高元思張師德以至孝託後車顏強學
沈尊行以博聞兼侍讀周琮李憲王祖英曹叔父以儒

術進崔融徐彥伯劉知柔石抱忠以文章顯德行則許
子豐耆舊則權無二駱續則古訓之前識張相則老莊
之後英並承高命咸窮體物小子託於吹竽之末敢闕
其詞哉遂作賦云

日之貞矣于彼重陽菊之榮矣于彼華坊含天地之精

氣吹

集作
吸是

日月之淳光雲布霧合箕舒翼張鬱兮曼衍

郁兮芬芳珉枝金萼翠葉紅芒其在夕也言庭燎之晷
晷其向晨也謂明星之煌煌爾其萬里年華九州春色

花灼爍兮如錦草蠶連兮似織當此時也和其光同其
塵應春光而早殖及夫秋星下照金氣上騰風蕭蕭兮
瑟瑟霜刺刺兮稜稜當此時也弱其志强其骨獨歲寒
而晚登雨還風去天長地久純黃象於后土故採桑而
菊衣輕體御於神仙故登山而菊酒文實採之而羽化
康公服之而不朽東極於是長在南陽以之眉壽胡太
尉之允誠光輔漢庭萬機理三階平及暮年華髮垂肩
一作白
又作耳
秋菊長落
一作
英蠲邪滌瘵於焉永貞鍾太尉之

聲實曩倫魏室道合鹽梅功成輔弼降文皇之命修彭

祖之術保性和神此焉終吉君章請老歲久懸車秋風

生兮北園夕白露濕兮前堦虛佇一作步閒庭之曠邈對

涼菊之扶疎人生行樂孰知其餘泉一作淵明解印退歸

田野山鬱律兮萬里天蒼莽一作浪兮四下憑南軒以長

嘯出東籬而盈把歸去來兮夫何為者若夫窈窕重闈亘

青瑣兮接皇扉深沉大壯通肅成兮連博望乃有邕步

切河東開喜鄉貴族薛縣名家共汾河之鼎氣同庶子

縣有邕鄉

文苑英華

三

之春華朝遊夕處徘徊顧慕難搖落於三秋偉貞芳於
十步伊纖莖之菲薄荷君子之恩遇不羨池水之芙蓉
願比瑤山之桂樹歲如何其歲已秋叢菊芳分庭之幽
君子至止悵容與而淹留歲如何其歲將逝叢菊芳分
庭之際君子至止聊從容以卒歲

庭有菊

集作庭
有叢菊

珉枝

集作
玳枝

康公

集作
嵇康

長在

集作
長存

及

暮年華髮垂肩秋菊長英

十一字集作暮年之
華髮味秋氣之落英

歲

久

集作
歲及

歸去來兮

此下有
夫字

若此

集作
若夫

百合花賦

王勣

閱

似風竿而揭起荷春光之餘煦託陽山

之峻趾比蕙英之能連引芝芳而自擬固其布葉相從
潛根必重示不孤於日用欣有叶於時雍嗤五葉之非
偶陋三花之未濃亦藐兮不可長辰兮不可逢恐鷓鴣
吟兮衆芳晚幸左右之先容

浮萍賦

常袞

居洪泉而不根植者惟浮萍而已矣不懷芳以賈害不
銜一作
慙非色以標美動不忤物卑以安已乘流則遊得坻

則止如識變而知時似委命而順理故能無幽不涉無

遠不尋隨長汀而自汎值驚浪而不沉既不遷其清濁
亦何避乎淺深可以明逍遙之意可以警滯著之心然
而推移河海凌歷隈澳溜緩則去遲水急則浮速秋遇
楓浦與墜葉而齊奔春渡桃源共落花而相逐披拂丹
草搖演青蘋出入經其潭洞高下歸其奔淪擇利而行
有似見幾之士不常厥所同乎漂梗之人歌曰大江之
水東西流別有孤萍朝夕浮莫言此中長汎汎終當結
實觸王舟

第二

趙昂

汎汎者萍乘流匪寧殊源比影異沼均形初萑弱兮碣
岸乍連延兮廣汀映池則草色同翠照日兮苔光共青
霞凝兮片片成玉月上兮處處疑星入門自媚穠李徒
矜其妖豔取足為樂行潦豈小於滄溟觀其枯華有時
自一作動靜無必習坎斯止遇亨則逸安卑取順契君子
之用心揚波隨流豈漁翁之能詰每託隣於藻荇不混
跡於蓬蘽與菡萏而相鮮向莓苔而如失實幽賞之可

嘉何寓遊之足匹夫物之云云糾纏誰分茨處墻兮或不才而見棄蘭生幽也終以香而自焚惟茲萍矣獨善其美謙能居下知則樂水鑿擊芳於楚客寧見羞於纛簋象虛舟而不繫或倏往而忽來類至人之無心更出生而入死噫疑歟植匪深根長無固蒂將舍之而不芟翦豈見用而能種藝鄙朝菌之斃榮笑匏瓜之長繫空慙雨露之恩竊愧陶鈞之惠願同蕪葭比玉而見珍託陋質於池塘之際

水藻賦

郭元超

遊子行邁登晉山之孤嶽翠谿晶以淪連紅嶂赫兮崩
駭爾其雲崖委溜風壑鳴泉苔彬彪以冒石藻漫莽兮

山疑川于以采藻于彼行潦沼沚之毛汙潭之藻

一作草

霍霍靡靡汎汎悠悠乍黃緣於春水或羃歷於春洲觀
其往往縈散離離無畔嬖娟島嶼曄曄江漢碎流月於
澄波隱孤雲於斷岸生不擇所長亦無叢不資潤於微
露不懼威於勁風纖莖璀璨密葉茸茸宿銀塘之白鷺

矯清

一作碧

水之文虹則知乘流則遊遇坻則植柔而能

全弱而能直其為隱也不居高而處卑其為謙也常韜

光而晦色嗟茂族之無託願貞芳之見移生君之銅冶

汎君之瑤池雜青蓮與翠荇隅

一作隅

杜若與江離生

全於水人不知歲歲年年幽澗垂

艾人賦

以懸艾為人以懷毒氣為韻

陳章

採彼艾兮及此佳辰標

一作振

至靈以衛物因善救以成

人當戶而居惡莠言兮結舌負墻而立甘菜色以安身

異發能以求舊方正惡以知新原夫生亦有涯寂然沒齒盈腰雖賤於楚客奮臂若威乎厲鬼苟三年之疾雖云來者可追而五日為期豈復怨乎不以蓬頭亦取其容直蒿目似存乎深視行止於百姓之病雖云具體而微育材於萬物之靈必見一作盡瘁以俟直躬不墜邪氣可讓每表先生師曠占病草先生者艾也之後善為君子之防類宗則荆楚歲時記宗則五月五日採艾灸有驗之初來一朝而獲順夏正之聚蓄久要不忘終躡虛而挂戶爰撫實以升堂想在野

之時豈謂生無根柢及得門之後如其自有肝

一作肺

腸

列名號於水臺載典常於玉燭免繩持而遏惡因草創而成俗以枝葉為膚草之胞藉麻絲為筋骨之屬待時而用益彰惟爾之能不怒而威詎可比予于毒起自蒿萊之下處乎軒屏之前奉百藥而首出展四肢而脉連異萱草之忘憂孰云言樹等匏瓜之不食焉肯徒懸藹爾端容森然屏氣逾芻狗而善御並木奴而為貴雖雷奔電激寧聞乎危者使傾而暑往寒來亦見乎移

疑作後

生可畏故得擊蘭莫比懸葦未奇委質而桐君是錄焚
軀而介子相隨宜爾室家略備詩人之採不祈土地雅
同儒者之為及夫氣散於中貌萎於外吊時匪謂其微
福焦思亦齊乎遠害斯人也而有斯疾見靈溝之靈艾

荷珠賦

以泣珠絲
鮮瑩為韻

白居易

迸水所集輕荷正敷引修莖而出葉凝玉液以成珠淨
綠田田神龜之巢處斯在虛明皎皎靈鵲之銜來豈殊
既羅列其青蓋又昭章於白榆亂點的皪分規青瑩仰

虛無以上出掩晶熒而外映洒之不著湛兮逾淨時寄
寓於傾歌每因依於平正可止則止必荷之中央在圓
而圓得水之本性颺風既息而常凝魚鳥頻衝而不定
爾乃一氣暗後初陽照前宿雨霽而猶在曉露衰而正
鮮熠熠有光映空水而煥若纍纍無數遍池塘而炯然
宛轉而魚目迴視冲融而蚌胎未堅因霑濡而小大隨
散合以虧全輕彩蕩淵疑芳濃厭浥明璣而夜月爭光
丹粟而晨霞散入其息也與波俱停其動也與風皆急

若轉於掌乃是江妃之珠如凝於盤遂成泉落

疑作之客

泣冰壺捧之而殊倫水鏡沉精而莫及則知氣有相假
物有相資唯雨露之留處當芙蓉之茂時雖賦象而無
準必成形而在茲

未見絲字官韻

喻於人則寄之生也擬於道

則冲而用之自契玄珠之妙何求赤水之遺

牡丹賦

并序

舒元興

古人言花者牡丹未嘗與焉蓋遁於

一作乎

深山自幽而

芳不

一作

為貴者

一無此字

所知花則不可過為

四字一作何過焉

天后之鄉西河也有衆香

一無此三字

精舍下有牡丹其花

特異天后歎上苑之有闕因命移植焉由此京國牡丹

日月寢盛今則自禁闈洎官署外延士庶之家瀰漫如

四瀆之流不知其止息之地每暮春之月邀

一作遊

遊之

士如狂焉

一無此三字

亦上國繁華之一事也近代文士為

歌詩以詠其形容未有能賦之者余獨賦之以極其美

或曰子常以丈夫功業自許

一作持

今則肆情於一花無

乃猶有兒女之心乎余應之曰吾子獨不見張荊州之

為人乎斯人信丈夫也然吾觀其文集之首有荔枝賦
焉荔枝信美矣然亦不出一果耳與牡丹何異哉但問
其所賦之旨何如吾賦牡丹何傷或者不能對而退余
遂賦以示之

圓玄瑞精有星而景有雲而卿其光下垂遇物流形草
木得之發為紅英英之甚紅鍾乎牡丹拔類邁倫國香
欺蘭我研物情次第而觀暮春氣極綠苞如珠清露宵
偃韶光曉驅動盪支節如解凝結百脉融暢氣不可遏

兀然盛怒如將憤洩淑日

一作色

披開照耀酷烈美膚膩

體萬狀皆絕赤者如日白者如月淡者如赭一作赫殷者

如血向者如迎背者如訣圻者如語合

一作合

者如咽俯

者如愁仰者如悅褻者如舞側者如跌亞者如醉曲者

如折密者如織疎者如缺鮮者如濯慘者如別初隴隴

而上下

一作上下

次鮮鮮

一作鱗鱗

而重疊錦衾相覆綉帳連接

晴籠晝薰宿霧

一作露

宵裛或的的騰秀或亭亭露竒或

颯然如招或儼然如思或帶風如吟或泣露如悲或重

然如縵或爛然如披或迎日擁階一作或照影臨池或

山雞已馴或威鳳將飛其態萬萬胡可立辨不窺天府

孰得而見乍疑孫武來此教戰其戰謂何搖搖織柯玉

欄滿風流霞或一作波歷階重臺萬朶千窠西子南威

洛浦一作湘娥或倚或扶朱顏已一作酡角一作銜紅

釭爭鬢翠蛾灼灼妖妖一作透透迤迤漢宮三千艷列

星河我見其少孰云其多弄彩呈妍壓景駢肩席奪一作

發銀燭爐昇絳煙洞府真人會於羣仙晶熒往來金釭

列錢

班固西京賦金缸
銜壁是為列錢

凝睇相看曾不語言未及行雨

先驚早

一作
早

蓮公室侯家列之如麻咳唾萬金買此繁

華惶恤終日以言相誇列幄庭中步障開霞曲廡重梁

松篁相加如貯深閨似隔窓紗髻鬢息媯依稀館娃我

來觀之如乘仙槎脉脉不語遲遲日斜九衢遊人駿馬

香車有酒如澠萬坐笙歌一醉是競孰知其他我案花

品此花第一脫落羣類獨當

一作
占

春日其大盈尺其香

滿室葉如翠羽擁抱櫛比葢如金屑粧飾淑質玫瑰羞

死芍藥自失夭桃斂跡穠李慚出躑躅宵潰木蘭潛逸
朱槿灰心紫微屈膝皆讓其先敢懷憤嫉煥乎美乎后
土之產物也使其花之如此而偉乎何前代寂寞而不
聞今則喧一作昌然而大來昌草木之命亦有時而塞亦
有時而開吾欲問汝昌為而生哉汝且不言徒留翫以
徘徊

瓜賦

康子玉

巫山之岡秦川之陽垂條引蔓布綠敷黃彌臯被野含

芬吐芳轉晨風之穆穆湛宵露之灑灑花葉則煜煜燁燁
煒文彩則焜焜煌煌錦繡為之失色霞日為之奪光遠
而望之燦兮爛繁星列兮曜長漢光色連延遙相煖迫
而察之眇兮綿明璣盈蚌媚重泉大鱗巨介近相連細
雨流風每飄飄兮葉上遊蜂戲蝶時歷亂於花前爾其
大明疑作三尺二升廣志青燈瓜大如三斗魁桂枝瓜長二尺餘疑當作二尺三斗美
則金漿玉實狸頭羊散之字黃瓠白搏之質見陸機賦感仙
貴於孫鍾避世資於步隲異蒂表於前代同心章乎曩

日既而橫綺席會嘉賓琴樽逸賞海陸具陳香分四座
氣雜八珍既取類於母子亦取辨於君臣欽哉彼美流
玩不已何以剖之金錯刀何以澆之玉英水邵平固植
以著業阮籍託詞而興已非但留怨於忒夫抑亦取誠
於君子

文苑英華卷一百四十九

欽定四庫全書

文苑英華卷一百五十

宋李昉等編

草木八

神著賦一首

靈茅賦一首

拔茅賦一首

徵苞茅賦一首

江淮獻三脊茅賦一首

風偃草賦一首

草上之風賦一首

轉蓬賦一首

采葯賦一首

書帶草賦一首

神著賦

以天生神物用配靈照為韻

康子玉

神著之用兮誠稟靈於自然唯神也適變之義至唯用也極數之理全鈎深孰云乎筮短藏密彌彰於德圓再三則蒙捨我而懼瀆五十以學由我而樂天揲之而雖隱必索保之而其靜愈專易之重者胡可比焉原夫質稟精純叢分夢藪覆青雲以表竒伏玄龜而克配佐爾筮之貞吉觀我生之進退知微知章而可期何思何慮而或昧於是命彼筮人擇乎上春韞之而必致其用揲

之而爰動其神感以洗心遂通端策之志執之指掌空
啗握策之倫禮事其儀易贊其妙探彼幽蹟觀其秘要
皆多假爾之能必叶窮神之照將欲觀貞諒無與京乾
道變化而語悟一作神明幽贊而生原始要終思盡性於
大衍知來數往翼明彖於小成非我無一作以昭效法
之道非我無以稽作易之情於以致百慮於以類萬物
象四時四十九數而有常推三才三百六旬而不拂惟
著之用惟神是聽運不窮而或變通其志而遂寧且提

携而成列有感應而協靈滋而後數布之而可辨生而
成象審之而必形何一卉之時育配十朋之天縱耻紅
蘭之見鋤鄙白茅之藉用則知夫著之可貴也庶類安
能而共之哉

靈茅賦

呂巖說

有靈茅之繁育稟

疑脫
堪字

輿之粹精間叢薄以孕彩候韶

陽之發生與百卉而同氣擅三脊而異名糝纖條以為
族枝連茹以纒征蔓延亭臯鋪敷原陸白華霜淨翠莖

雲沃雜春澗之長松亂寒潭之羽一作明菊不剪彭帝堯

之儉緼袍識子騫之服若乃蒼蔚匝地低昂順風或結
根於江漢之澳或蓄苗於嶺岫之中挺芳心兮尊尊吐
脩葉兮叢叢煙霰之所蕩拂昆蟲之所翳蒙納日月之
光照資露雨之霑融東市驗左生之術南征紀周王之
功嘉此物之為用蓋今昔之攸同至若錫履于齊俾侯
於魯頌容衛之所藉寔禮儀之攸覩純束美夫詩人縮
酒貢其任土宜有意於遺芳諒無替於終古茅之為物

也賤尚見采於先王士之所貴者道豈敢昧於文章慕
朝宗之涓滴對詞林而抑揚若邦國之是賴希寄心於
棟梁

拔茅賦

以靈茅類
征吉為韻

路蕩

披大易而探蹟偉玄言之杳冥惟乾坤之交泰獲品物
之流形惟卦也泰之義廣惟卉也茅之性靈其用也潔
身而白當春也應候而青或茂江國或生楚郊三脊之
異是稱靈茅刺其無禮詩人引之於純束責其不入諸

侯終貢於厥苞不然者草則多矣胡著之於繫文哉故
可比君子喻物類惟人也能同其地人易心則兩苦茅
分族則雙悴苟連茹以相依夫何往而不利是則傳其
潔守其貞榮落惟運窮通曷情道或屯蒙滋雨露而育
質時逢振拔與連類而共征確乎莫移以保貞吉用之
錫命既著之夏典將以縮酒又薦於周室異芝蘭之稟
性不用其香等葵藿之有心尚思向日歲聿云暮霜風
慘慄願當蕪沒之時不棄輕微之質

徵苞茅賦

以九合諸侯一匡天下為韻

前人

猗彼菁茅挺生

一作然

不雜縮醪醴以致潔與清明而相

合荆人是職將有體其精誠王澤不流遂無聞於賦納

故小白仗義夾輔衰周言念彤弓玄矢實征九伯五侯

惟苞茅之有闕乃伊人之所羞爾貢或愆於先職王祭

誠非於異求有命是遵雖云我疆理無思不服孰曰風

馬牛於是戒徒無譁命衆以律顧爾心之有二諒我得

之惟一楚子承擯以請罪夷吾將事而靡失陳師鞠旅

見旌旆之翩翩伏軾致辭想德音之秩秩且曰祭有百
籩縮酒為先類生芻而比潔同有奠以告虔職貢斯已
爾則不共於命馨香罔薦我將謫見於天豈可一作徒狂

爾車徒恃乃封守慢上則君臣異等黷兵則齊楚非偶
議乎品列我則齒兄弟之二三揆以疆場我則吞蠻荆
之八九是以來求獻捷豈敢定居如憂連茹而亡禍之
大者乃將任土作貢禮可忽諸於以止戈寰區折衝醜
孽俾潔白於棗醴肅君臣於上下太壇之禮成彼菁菁

者

一作之

茅問罪之師罔倦悠悠於野然彼率職四方用

賓于王信耀德於千祀豈矜功以一匡異魯隱觀魚以
犯憲笑晉文將狩以亂常昌若返行葦之積德遵方物
之舊章美哉無私之舉也將歷代而彌光

江淮獻三脊茅賦

以國有盛禮靈
茅三脊為韻

獨孤授

茅有衆靈名之為盛雖百代以呈質終三脊以居正每
彰封禪之期如受鬼神之命生一作先於古既光七十之

君獻於今更表千里之聖出於淮甸來彼江潭使馳於
北星流於南捧執而有嚴有翼緘滕而再四再三及夫
覩至尊呈大國致於金華之上啟於瑤池之側施陳而
百瑞慙容撫玩而千官變色美其出有常地生必舊形
非成野鹿之禮寧假澄酒之馨超常倫而薦闕殊衆品
而實庭理盡三分似叶通三之化體皆一類欲明得一
之靈隱見之時吉蠲中禮獨標珍草之狀悉皆兄弟之
體整齊而玉匣遙傳潔靜而瓊華新啓應盛禮而居首

表常度而為後道未格也雖有采而必無獄可封焉縱
不求而自有觀王者之得失知禮事之臧否且夫玉帛
廣矣何尚於茅豈不以貴稱三脊重載六爻始彙征於
吳楚終遍藉於陶匏奉上之時且報云亭之兆升中之
後因知天地之交吾皇由是命太史詔宗伯議封山謀
勒石備文物與禮器脩玉函與金策使聖功登於九天
靈茅光於三脊使臣稽首稱萬歲以旋役

風偃草賦

以上之化人乃
如是焉為韻

羅立言

人之化分從政之所向草之偃分隨風之所仰大小覃
及道均乎廣敷高下必加義存乎溥暢將咸被於榮悴
匪有阻於遐曠感之化靡自符於順柔動而悅隨豈因
乎用壯如雲起於龍召若臣和於君唱豈蕭條衆芳之
間翱翔激水之上而已美其抗威有制應物無私播生
成於萬族順炎涼於四時彌岡坂以盡仆歷原隰而無
遺颺颺其音時自南而自北扶疎其狀隨左之而右之
汎蘭叢而影分丹穎轉蕙圃而光搖碧滋有感而施不

獨芄芄其麥觸類皆長

一作靡

寧遺楚楚者茨則知草之

偃風威之所藉人之理上政之所化不然則何以喻德
君子比訓小人佐天地之化育助雷雨於陶鈞當槁葉
辭條我則激淒清於霜夕及晴川解凍我則散煦嫗其
陽春豈直落餘花於黃菊翻碎浪於青蘋至哉凝韻松
桂傳香蘭茝不行而疾合帝德之無方不勵而威若神
功之有宰茲君令所以為此聖人於焉嘉乃觀其匪疾匪徐
或吹或噓俾夫曲者必直勾者必舒庭葉晚飛墜丹梧

於颯爾池荷夜轉瀉珠露以連如是則草非風不靡人
非化不被故取鑒者用於斯觀政者必於是况王者致
理與物化遷敬授人時乃何風不順式敷惠澤則何草
不玄既殊拔木之日斯鄙偃禾之年賦風行之義可以
知其教焉

草上之風賦

以君子之德風
偃乎草為韻

蔣防

草絲絲兮擢穎含薰風發發兮乍靡而分其取象也散
芳馨於知己其為義也合政令於人君豈惟動之而委

順抑亦播之而有聞

一作以

觀其徜徉代起激拂無已轉

綠蕙而影亂時光汎青蘋而文橫秋水浸淫翳蒼振奮

蘭芷颯然而動昔有遇於荆玉冷爾斯來今不乘於列

子翻翁鬱轉歲筵在芄芄而可翫觀習習而無遺被以

幽深諒有條而有暢布乎原隰誠長之而養之或徐或

疾順天作則大以抑其滋蔓細以蕩其幽默分乎萬彙

盖吹萬以齊驅繫於一人誠畫

一作畫

一於同德不擇乎

高下不棄乎幽蒙敷葉而重重偃翠翻花而灼灼駢紅

連

一作
聯

綿九野披靡千叢倚伏俟時小人之心猶草衰

榮不問君子之德如風莽眇平臯悠揚茂苑風何草之

不動

一作
被

草何風而不偃飄杜蘅而芳氣自遙歷蒿艾

而清聲漸遠是知風為號令之類草為衆庶之徒方以

俟

一作
候

其披拂固有適

一作
過

於榮枯立政則斯為大矣

騰芳而孰不宜乎故觀其化者知神之造觀其風者知

國之道將有宣於八方故寓形於蔓草仲尼以之而取

譬宋玉由斯而奮藻雖異代而殊時竊敢攄於懷抱

轉蓬賦

以本根一斷隨風所之為韻

彼茁者蓬其生莽蕞因驚風之動地遂離根而去本委
順而往異愚夫之守株任運則行叶高人之嘉遯摧弱
質絕陳根始遲遲而徐轉俄忽忽而駿奔體以圓而疾
質以弱而存凌寒後凋雖有慙於松柏近秋俱敗亦無
媿於蘭蓀時也玉露為霜金風應律歎芳菲而難久覩
搖落之不一初宛轉以孤翻漸邈迤而連出度平野而
暫見映層臯而還失徘徊未已同風葉之辭枝漂蕩不

停甚水萍之委質若乃慘澹雲晚悠揚日短歲云秋矣
莖弱者先衰風以動之根危者易斷徒觀其委地離披
縈吹參差既忘懷於近遠寧繫跡於高卑觸物何情類
虛舟而自汎善行無跡於野馬而相隨豈不以生無固
蒂轉有長風象車輪未始有極如循環莫知所終遊子
感而忘歸歎飄居陌上小人見而懷土憶生在麻中矧
夫依物暫停遇風復舉乍飄揚以歷亂或迴旋而容與
青蘋之末不起聊可以躊躇黃埃之中自飛孰知其處

所客有因時結念寓物屬詞觀其衰分懼老將至矣觀
其轉也嗟行靡不之撫懷抱起心有之誠驚鬢髮增首
如之悲倘陽春之可待亦何恨飄飄於此時

采葯賦

井序

陸龜蒙

葯白芷也香草美人得比之君子定情屬思聊為賦云
日正融冷春歸飾荒覩一時之流恨撫萬古之遺香
問人則不屈不宋說地則非瀟非湘塞其榮煙携而動
色擢其體雪挺而騰光諷畔牢愁子雲於焉華皓吟哀

時命曼倩由是摧藏情思矜年慵情畏晚胡繩繫晷以

難駐曷車載

一作藹車載集韻藹水艸似藪

春而不返陋君折楊柳湏

為送行陋君採芙蓉仍勞贈遠豈如陰晴互出稚豔相

迎隈回鳳喜怨盼鴻驚侍笑者青琴作號顧謂疑者碧

玉為名偷襲積競縈盈目斜柯而水怯鬢疊葉而雲爭

蘭在口以時聞嬌如連瑣蕙牽心而不定飄若懸旌契

叩難申融怡自

一作暗

許石能潛遁以求偶山亦浮來而

命侶誓不為巖阿竹冉冉孤生誓不為澗底松亭亭獨

處於是欺皓本掩縮蕤房紅者自破帶縹者誰披望懷
沙之浦詠遺襟之詞煙分而麝墨猶濕綺斷而龍刀合
知只言長信長門年年可恨未必傾城傾國箇箇生悲
臨階躑躅以虛徐當戶薔薇兮綽約一作蜂乍葉而先
盡鶯隄枝而易落未若北堂公子樹芳草忘憂南國佳
人佩生香辟惡露茁烟冶風條翠譔不知海旁之期遠
不信人間之命薄休為上計掾空尋寶釵聊作侍中郎
且乘金絡別有廬江小吏屬蜀一則郡長卿或支離而築

恨或調笑以衷情不同乎稟簪裙而霧悄秉禮義以霜

明鄭交甫則江邊佩解萼綠華則席上詩成彼怡神而

致問皆護節而含貞疎懼趨前

一作疎懼自持

雖陳辭而往愬

遷延却立終結抱而難平淚滴堪穿腸迴好繫蟲絲織

怨以成段象酒蠲愁而判劑江僕射之孤燈向壁不少

淒迷張記室之少婦當壚應還細麗景方駘蕩思已低

摧酒疲於子建為使花困於靈均作媒何庶物之相負

痛妍華而未回莫與心傷瑤圃從驚鷓鴣

弟桂二音

如防膽

怯空屏宜畫魁堆

獸名也

剩欲追尋徒嗟緬邈杯形連理

而終在扇樣合歡而可學若遇劉公伯雅夢亦沉沉如

逢

一有西字

王母少兒

一作

畫還數數

書帶草賦

前人

彼碧者草云書帶名先儒既沒後代還生有味非甘莫
共三山芝校無香可媚難將九畹蘭爭叨詞林畔種在
經苑中榮翠影臨波恐被芙蓉見鄙貞姿傍砌愁為芍
藥相輕發葉

一作地

抽英因天受性紛雅圭池上之宅拂

仲蔚門前之徑不省教施異術安得返魂未嘗輒入明
庭何當指佞幾臨寒日幸到青春莎蓋未傳於漁父蒲
葦竊詠於詩人霜亦曾霑潘令偏知白薤風常遍起宋
生惟道青蘋栽培只倚於賢憐寒擷長憂乎稚戲出慙
無用舒還有異當琴操發伯牙山水之情值儒編動鑿
齒陽秋之思敢曰求友寧忘慕義吳娃楫上空羨苔滋
魏主帷中惟通蕙氣或乃蘭榮越傲薰茂周原幽搜莫
及興詠徒存此則對仲舉蕭疎之室處子山搖落之園

不識深宮豈是曾為帝女非侵遠道誰言能憶王孫徒
愛其斂疎煙披曉露弱可攬結勻能布濩蕭蕭而不計
榮枯漠漠而何干好惡金燈照灼尚驚秦帝之焚粉蝶
留連真謂羽陵之蠹爾乃高推籬菊瑞許階藂我則惟
親志士每聚流螢豈便離蒿萊於隙地希杜若於遙汀
倘遇翰林主人之一顧庶長保於青青

文苑英華卷一百五十

欽定四庫全書

文苑英華卷一百五十一 宋 李昉等 編

天部一

日十六首

月二十一首

中秋月十九首

翫月四首

對月四首

日

詠朝日

梁簡文帝

團團出天外煜煜上層峯光隨浪高下影逐樹輕濃

日

李鏡遠

始臨東岳觀俄升若木枝萍實詎儔彩合扇且慙規北

林耿初耀圓窓鑿早曦照庭餘雪盡映簷滴溜垂徘徊

匝花樹煜爚滿春池柳陰纒歷歷類聚作廉一作影復

離離曾泉淮南子日至曾泉是謂早食豈停舍桑榆忽在斯迴戈安

得中長繩不可羈冲情愛景落清宴惜光馳温暉徒已

荷深心竊自知

詠日應令

劉孝綽

弭節馳暘谷照檻出扶桑園葵一何幸傾葉奉離光

日華

徐陵

朝暉爛曲池夕照滿西陂復有當晝景江上鑠光儀時
從高浪歇乍逐細波移一在雕梁上詎比扶桑枝

詠日應趙王教

康孟

金烏升曉氣玉檻漾晨曦先汎扶桑海返照若華

見淮南子

池洛浦全開鏡衡山半隱規相歡承愛景共惜寸陰移

賦秋日懸清光賜房玄齡

唐太宗

秋露凝高掌朝光上翠微
參差麗雙闕照耀滿重闈
仙馭隨輪轉靈鳥帶影飛
臨波無定彩入隙有圓一作暉
還當葵藿志傾葉自相依

賦得白日半西山

前人

紅輪不暫駐烏飛豈復停
岑霞漸漸落溪陰寸寸生
藿葉隨光轉葵心逐照傾
晚煙含樹色棲鳥雜流聲

詠日午奉和

虞世南

高天淨秋色長漢轉曦車玉樹陰初正桐圭影未斜翠
蓋飛圓影明鏡發輕花再中良表瑞共仰璧暉賒

同前

褚亮

曦車日停午浮箭未移暉日光無落照樹影正中園草
萎看稍靡葉燥望凝

初學記
作疑

稀晝寢慙經筭暫解入朝

衣

日

董思恭

滄海十枝暉

山海經扶桑九日居下枝
居上枝或作滄波十丈暉非

玄圃重輪

慶齒華發晨檻菱彩翻朝鏡忽遇驚風飄自有浮雲映
更也人皆仰無待揮戈正

日

李嶠

日出扶桑路遙升若木枝雲間五色滿霞際九光披東
陸蒼龍駕南郊赤羽馳傾心比葵藿朝夕奉堯曦

秋日

王昌齡

文粹作
耿緯

反照入閭文粹作窮巷憂一作愁來與誰語古道無詩選作少人行

秋風動禾黍

同前

耿

緯

唐書作
滌後同

照耀天山外飛鷗幾共過微紅拂秋漢片白透長波影
促寒汀薄光殘古木多金霞與雲氣散漫復相和

登天壇夜見海日

李益

朝遊碧峰三十六夜上天壇月邊宿仙人携我牽玉英
壇上夜半東方明仙鐘撞撞迎

集作
近

海日海中離離三

山出霞梯赤城遙可分霓旌絳節倚彤雲八鸞五鳳紛
在御王母欲上朝元君羣仙指此

集作
我

為我說幾見塵

飛滄海竭竦身別我期再逢空山處處遺清風九州下
視杳未且一半浮生皆夢中始知武皇求不死去遂瀛
洲羨門子

負冬日

白居易

杲杲東

集作冬

日出照我屋南隅負暄閉目坐和風

集作氣

生肌膚初似飲醇醪又如蟄者蘇外融百骸暢中適一
念無曠然忘所在心與虛空俱

夕陽

鄭谷

夕陽秋更好湫湫

集作湫湫

蕙蘭中極浦明殘雨長天急遠

鴻僧窗留半榻漁舸透踈蓬莫恨清光盡寒蟾即照空

月

詠月

文選作秋月

沈約

月華臨靜夜夜靜滅氛埃方暉竟入戶

文選作戶入

圓影隙

中來高樓切思婦西園遊上才網軒映珠綴應門照綠苔洞房殊未曉清光信悠哉

詠月篇

類聚作望秋月

前人

望秋月秋月光如練照耀三爵臺徘徊九華殿九華瑤
瑁梁華榭與璧璫以茲雕麗色持照明月光凝華入黼
帳清暉懸洞房先過飛鷺戶却映班姬床桂宮裊裊落
桂枝露寒淒淒凝白露上林曉葉颯颯鳴鴈門早鴻離
離度湛秀質兮似規委清光兮如素照愁軒之蓬髮映
金階之輕步居人臨此笑以歌別客對之傷且暮輕裊
類聚團映寒叢凝清夜帶秋風隨庭雪以偕素與池荷
作囊而共紅臨玉墀之皎皎含霜靄之濛濛輔天衢而徙度

轆長漢而飛空隱嵒崖之半出

類聚作而半隔

隔

類聚作出

帟幌而

纒通散朱庭之奕奕入青瑣而玲瓏寒階悲寡鵠沙洲

怨別鴻昭姬泣胡殿明君思漢宮余亦何為者淹留此

山東

月

董思恭

北堂未安寢西園聊騁望玉戶照羅幃珠軒明綺幃別

客長安道思婦高樓上所願君莫遺

初學記作遠

清風時可

訪

月

集作說
初月

沈佺期

見駱賓
王集

忌滿光恒

集作
先

缺乘昏影暫

集作
漸

流既

集作
自

能明似鏡

何用曲如鈎

秋月

駱賓王

雲披玉繩淨桂滿鏡光圓

集作月滿
鏡輪圓

裛露朱花

集作冷
珠暉

凌霜紈扇

集作
桂影

寒漏彩舍踈薄浮波漾急瀾西園徒自

賞南飛終未安

月

李嶠

桂生

一作滿

三五夕

一作分

二八時分輝度鵲鏡

一作清輝

飛鵲

流彩入蛾眉

一作新影

皎潔凌

一作臨

踈牖朦

一作

隴鑿薄帷願陪北堂宴長賦西園詩

一作願言從愛容
清夜幸同嬉一作

皆單
題詩

同前二首

杜甫

天上秋期近人間月影清
入河蟾不沒擣藥兔長生
只益丹心苦能添白髮明
干戈知滿地休照國西營

二

四更山吐月殘夜水明樓塵匣元開鏡風簾自上鈎兔
應疑白疑蟾亦戀貂裘斟酌姮娥寡天寒耐九秋

新月

前人

光細弦豈

集作欲

上影斜輪未安微升古堞

集作塞

外已隱

暮雲端河漢不改色闌山空自寒庭前有白露暗滿菊

花欄

集作圖

初月

李白

玉蟾離海上白露濕花時雲畔風生爪沙頭水浸眉樂

哉絃管客愁殺戰征兒因絕疑西園賞臨風一詠詩

水月

僧皎然

夜夜池上觀禪身坐月邊虛無色可取皎潔意難傳若
向空心了長如影正圓

月一字至
七字

張南史

月暫盈還缺上虛空生溟渤散彩無際移輪不歇桂殿
入西秦菱歌映南越正看雲霧秋卷莫待關山曉沒天
涯地角不可尋清光永夜何超忽

秋月

白居易

萬里清光不可思

一作私

添愁足

一作益

恨遠天涯誰人隴

外久征戍何處庭

一作亭

前新別離失寵故姬歸院夜沒

番老將上樓時照他幾許人腸斷玉兔金蟾

一作銀蟾

遠不

知

此詩本卷中秋月門重出今已削去注異同為一

作

同前

李商隱

池上與橋邊

一作橋上
與池邊

難忘復可憐
簾開最明夜
簾卷

已涼天
流處水花急吐時
雲葉鮮
姮娥無粉黛
只是逞

集作
嬋娟

同前

方干

涼宵煙靄外
三五玉蟾秋
列野星辰正
當空鬼魅愁
泉澄寒魄瑩
露滴冷光浮
未折青青桂
吟看不忍休

月

前人

桂輪秋半出
東方巢鵲驚
飛夜未央
海上風雲搖
皓影

空中露氣濕流光斜臨戶牖通宵燭迴照階墀到曉霜
庚亮恃才高更逸方聞墨翰已成章

初月

李羣玉

艷艷

集作
流

流光淺娟娟泛霧

集作
露

輕雲間龍爪落簾上

玉鈎明桂影枝猶小
仙人影未成欲為千里別倚幌獨

含情

月

羅隱

湖上風高動白蘋
暫延清景此逡巡
隔年為別因

集作
成

何事半夜相逢

集作
看

似故人蟾向靜中矜爪距兔俚

集作

限

明處弄精神姮娥老大應惆悵獨倚

集作
倚泣

蒼蒼桂一

輪

月

曹松

寥寥天地外夜魄爽何輕頻見此輪滿即應華髮生不
圓爭得破纔正又須傾人事還如此

一作
相似

因知倚伏情

秋霽豐得寺與玄真師詠月 唐彥謙

露冷風輕霄魄圓高樓更在碧山巔四溟水合疑無地

八月槎通好上天黯黯星辰環紫極喧喧朝市蔽蒼煙
夜深獨與巖僧語羣動消聲舉世眠

月

雜詠作中秋夜翫月

前人

一上

雜詠作夜

高樓萬景竒碧天無際水無涯空

雜詠作只

留皎

月當層漢並送浮雲出四維霧盡

雜詠作靜

不容玄豹隱冰

生祇

雜詠作唯

恐夏蟲疑坐來離思憂生晚

雜詠作將晚

爭得姮

娥子細知

中秋月

賀崔中丞中秋月

張南史

秋夜月偏明西樓獨有情
千家看露濕萬里覺天清
映水金波動銜山桂樹生
不知飛鵲意何用此時驚

中秋夜與諸公錦樓望月得中字

武元衡

玉輪初滿空迴出錦城東
相向秦樓鏡分飛碣石鴻
桂香隨窈窕珠綴隔玲瓏
不及前秋見圓光

集作輝
雜詠作明鳳

治中

酬劉集作裴

端公中秋夜對月見懷

權德輿

涼夜清秋半空庭皓月圓
動搖隨積水皎潔滿晴天
多病佳期阻深情麗曲傳
偏懷賞心處同望庾樓前

中秋夜臨鏡湖望月

陳羽

鏡裏秋宵望湖

雜詠作湖

平月彩深圓光

一作明

珠入浦浮照

鵲驚林澹動光還翠
嬋娟影不沉遠時生岸曲
空處落波心迴徹輪初滿
孤明魄未侵桂枝如可折
何惜夜登

臨

八月十五夜翫月

劉禹錫

天將今夜月一遍洗寰瀛暑退九霄淨秋澄萬景清
星辰讓光彩風露發晶英能變人間世儵然是玉京

和中書崔舍人八月十五日夜翫月二十韻

前人

暮景中秋爽陰靈既望圓騰精浮碧海分照接虞泉

或作

湖疑 迴見孤輪出高從倚蓋旋二儀含皎潔

集作

萬象

共澄鮮整御當西陸舒光麗上玄從星變風雨順日助
陶甄遠近同時望晶瑩此夜偏運行調玉燭潔白應金
天曲沼疑瑤鏡通衢若象筵逢人盡冰雪遇景即神仙
引素吞銀漢凝清洗綠煙臯禽驚露下隣杵思風前水
是還珠浦山成種玉田劔沉三尺影燈罷九枝燃象外
形無跡寰中影有雜詠
作自遷稍當雲闕正未映斗城懸靜
對揮宸翰閒臨壁彩牋境同牛渚上宿在鳳池邊興掩
尋安道詞勝命仲宣從今紙貴後不復詠陳篇

八月十五日夜湓亭望月

白居易

昔年八月十五夜曲江池畔杏園邊今年八月十五夜
湓浦沙頭水館前西北望鄉何處是東南見月幾迴圓
臨風一嘆無人會今夜清光似往年

答夢得八月十五夜翫月見寄 前人

南國碧雲客東京白首翁松江初上月伊水正無風遠
思兩鄉斷清光千里同不知娃館上何以疑作石樓中

其夜在龍門
石樓望月

八月十五夜禁中獨直對月寄集作元九憶元九

前人

銀臺金闕夕沉沉獨宿相思在翰林三五夜中新月色
二千里外故人心渚宮東面煙波冷浴殿西頭鐘漏深
猶恐清光不同見江陵卑濕足秋陰

中秋月

釋無可見雜詠

蟾宜天地靜三五對階藟照耀起諸夜光芒掩衆星影
寒池更澈露冷樹梢青枉值中秋半長乖宿洞庭

同前

劉得仁

塵裏兼塵外皆期此夜明
一年唯一夕

雜詠作度

長恐有雲

生露洗微埃盡光濡是物清朗吟看正好惆悵又西傾

同前

李頻

陰盛此宵中多為雨與風
坐無風雨至看與

雜詠共看

雪霜

同抱濕離遙海傾寒向遠

雜詠作迴

空年年不可值還似道

難通

同前

李

洞

見雜詠

四十五秋宵月分千里毫冷沉中嶽短光溢大河高不
寐清人眼移棲濕鶴毛露華臺上別愁望一年勞

同前

馬戴

見雜
詠

陰魄出海上望之增苦吟冷搜驪頷重寒徹蚌胎深浩
氣籠諸夏清光射萬岑悠然天地內皎潔一般心

中秋越臺看月

李羣玉

海雨洗塵埃月從空碧來水光籠草樹練影掛樓臺皓
耀迷鯨目晶瑩失蚌胎宵分凭欄望應合見蓬萊

中秋月

張祐

碧落桂含姿，清秋是素期。
一年逢好夜，萬里見明時。
絕域行應久，高城下更遲。
人間繫情事，何處不相思。

同前

釋棲白

見高僧詩

尋常三五夜

一作夕

豈

一作不

是不嬋娟及到中秋半

一作及至

中秋

還勝別夜圓清光凝

雜詠作光凝一作光凝唯

有露皓色爽

雜詠

作皓色更一作爽徹更

無煙自古長如此

雜詠作人皆說一作人皆望

年來復

雜詠作更一作又

一年

同前

司空圖

閒吟清景外萬事覺悠悠此際

雜詠
作夜

若無月一年空

雜詠

作
虛過秋

同前

裴

說見雜
詠

一歲幾盈虧當盈重此期幸無偏照處剛有不明時色
淨雲歸早光寒鶴睡遲相看吟未足皎皎下踈籬

翫月

同從弟銷南齋翫月憶山陰崔少府

王昌齡

高卧南齋時開帳月初吐清輝極木隙演漾在窻戶
再幾盈虛澄澄變今古美人清江畔是夜越吟苦千里
其何知微風吹芳杜

裴迪書齋翫月

錢起

夜來詩酒興

集作意

月上

集作滿

謝公樓影閉重門靜寒生

獨樹秋鵲驚隨葉散螢遠入煙流今夕遙天末清輝

集作

光幾處愁

西掖翫月

今狐舍人說昨夜
西掖翫月戲贈

李商隱

昨夜玉輪明傳聞近太清
涼波衝碧瓦曉暈落金莖
露索秦宮井風絃漢殿
箏幾時綿竹頌擬薦子虛名

泛江翫月十二韻

并序

元稹

余以元和五年自監察御史貶授江陵士曹掾六月十
四日張季友李景儉二侍御王文仲司錄王衆仲判官
兩昆季為余載酒炙選聲音自府城之南橋乘月泛舟
窮一夕予因賦詩以記之

楚塞分形勢羊公壓大邦因依多士子參畫盡敦龐岳
壁閒相對荀龍自有雙共將船載酒同泛月臨江遠樹
懸金鏡深潭倒玉幢委波添淨練洞照滅凝釭闌咽沙
頭市玲瓏竹岸牕巴童唱巫峽海客話神龍已困連飛
蓋猶催未到缸飲荒情爛熳風掉樂瑋縱勝事他年憶
愁心此夜降知君皆逸韻須為應蓬種

對月

與盧明府別後南湖對月

僧皎然

五

集作南

湖生夜月千里滿寒流曠望煙霞盡淒清天地

秋相思路渺渺獨望水悠悠何處空江裏嬋娟伴客舟

廣陵秋夜對月即事

陳羽

霜落寒空上月樓月中飲

疑作歌

唱滿揚州相看醉舞侶

樓月不覺隋家陵樹秋

對月二首

張喬

盈缺青冥外東風萬古吹何人種丹桂不長出輪枝

二

圓魄上寒空
皆言四海同
安知千里外
不有雨兼風



文苑英華卷一百五十一

欽定四庫全書

集部

文苑英華卷一百五十二

詳校官內閣學士臣瑞保

助教臣常循覆勘

總校官進士臣朱 鈐

校對官編修臣秦 泉

謄錄監生臣于希賢

欽定四庫全書

文苑英華卷一百五十二

宋 李昉等 編

天部二

望月二十六首

雜題月三十五首

星十首

望月

望江中月

梁簡文帝

一作梁
孝元帝

澄江涵月影

類聚作
皓月

水影若浮天風來如可汎流急不

成圓秦鏡斷復接和璧碎還聯裂紈依岸草斜桂逐行
船即此清江上無俟百枝然

望月

前人

流輝入畫堂初照上梅梁形同七子鏡影類九秋霜桂
花那不落團扇與誰粧空聞北窻彈未舉西園觴

舟中望月

梁朱超

見初學記

大江濶千里孤舟無四鄰唯餘故樓月遠近必隨人入
風先繞暈排霧急移輪若教長似扇堪拂艷歌塵

望月

庾肩吾

桂殿月偏來，留光引上才。
圓隨漢東蚌，暈逐淮南灰。
渡河光不濕，移輪澈詎開。
此夜臨清景，還承終宴杯。

和徐主簿望月

前人

樓上徘徊月，窓中愁思人。
照雪光偏冷，臨花色轉春。
星流時入暈，桂長欲侵輪。
願以重光曲，承君歌扇塵。

望月愁

蕭子範

漢河東西陰，清光此夜出。
入帳華珠被，斜筵照寶瑟。
霜

慘庭上蘭風鳴簷下榻獨見傷心者孤燈坐幽室

望月有所思

劉孝綽

秋月始纖纖微光垂出

類聚作步

簷腫朧入牀篔簹鬢鑑窓

簾簾螢隱光息簾蟲映光纖玉羊東北上金虎西南昇

長門隔清夜高堂夢容色如何當此時懷情向

類聚作滿曾

臆

江上望月

鮑泉

客行鈞始懸此夜月將弦川澄光尚動流駛影難圓蒼

蒼隨遠色漾漾

類聚作
漾漾

逐漪漣無因轉還帆回首春吾

類聚
作前賢

舟中望月二首

庾信

舟子夜離家開舲望月華山明疑有雪岸白不關沙天
漢看珠蚌星橋視桂花灰飛重暈闕莫落獨輪斜

二

夜光流未曙金波影上疑作尚賒照人非七子舍風異九

華莫新半壁疑作壁

上桂滿獨輪斜乘舟聊可望無假遂

靈槎

遼城望月

唐太宗

玄兔月初明，澄輝照遼碣。
映雲光漸隱，隔樹花如綴。
魄滿桂枝圓，輪虧鏡彩缺。
臨城却影散，帶暈重圓結。
駐蹕俯九都，佇觀妖氛滅。

卧病喜霽開扉望月簡宮內知友

庾抱

秋雨移弦望，疲痾倦苦辛。
忽對荆山璧，委照越吟人。
高

高侵地鏡皎皎徹天津色麗班姬篋光潤洛川神輪輝
池上動桂影隙中新懷賢雖不見或似暫參春

疑作辰

江中望月

盧照鄰

江水向潯陽澄澄瀉月光鏡圓珠溜澈弦滿箭波長沉
鈎搖兔影浮桂動舟芳延照相思夕千里共霓裳

秋山望月酬李騎曹

李嶠

愁客坐山隈懷抱自悠哉況復高秋夕明月正徘徊亭
亭出迥岫皎皎映層臺色帶銀河滿光含玉露開白雲

龍影度虛暈，抱輪迴谷邃。涼陰靜山空，夜響哀寒催。數
鴈急風送，一螢來獨軫。離君恨遙想，故人盃。

和康五望月有懷

杜審言

明月高秋迴，愁人獨夜省。暫將弓並曲，翻與扇俱團。霧
濯清輝苦，風飄素影寒。羅衣一此鑿，頓使別情難。

集作難離

和洛州司士康士曹庭芝望月有懷

沈佺期

天使下西樓，光含萬象

集作里

秋臺前疑掛鏡簾

集作簾

外

似懸鈎張尹將眉學班姬取扇儔佳期應借問為報在

南

集作頭

秋夜望月

姚崇

明月有餘鑿羈人殊未安桂寒秋樹晚波入夜池寒灼
灼雲枝淨光草露團所由迷所在長望獨長歎

望月

張九齡

清迥江城月光萬里同所思如夢裏相望在庭中皎
潔青苔露蕭條黃葉風含情不得語頻使桂華空

望月懷遠

前人

海上生明月天涯共此時
人情怨遙夜竟夕起相思
滅燭憐光滿披衣覺露滋
不堪盈手贈還寢夢佳期

雨後望月

李白

四郊陰靄散開戶半蟾生
萬里野霜合一條江練橫出
時山眼白高後海心明
為惜如團扇長吟到五更

南樓望月

釋皎然

夜月家家望亭亭愛此樓
纖雲溪上斷疎柳影中秋漸

映千峰出遙分萬派流關山誰復見應獨起邊愁

龍池寺望月寄韋使君闕別駕

其作閩別駕

司空曙

清光此夜中萬古望應同當野山沉霧低城樹有風花
宮紛共邃水府皓相空遙想高樓上唯君對庾公

登樓望月寄鳳翔李少尹

戴叔倫

陌上涼風槐葉凋夕陽清露濕寒條登樓望月楚山迴
月到南樓山獨遙心送情人趨鳳闕目隨陽鴈極煙霄

軒轅不重無名客此地還能訪寂寥

西樓望月

一作登城望月

張籍

城西樓上月復是雪晴時寒食

集作夜

共來望思鄉獨下

遲幽光落水整淨色在霜枝明日千里去此中還別離

望關山月

此詩見一百九十八卷

陳陶

海昌望月

前人

何處無今夕豈期在海頭賈客不愛月嬋娟閒滄洲浩然傷歲華獨望湖邊樓煙島青歷歷藍田白悠悠誰無

破鏡期緊我信虛舟誰無桂枝念緊我方推輶始見彎

環春又逢團圓秋莫厭綾扇夕百年多銀鈎金盤誰雕

鑄玉窟難寫

疑作

搜重輪運時節三五不自由疑拋雲

上鏡欲樓

疑

天邊毬孀居應寒冷擣藥青冥愁鬼子樹

下蹲蝦蟆池中游如何名金波不共水東流天花辟膻

腥野雲無邊陬蚌蛤乘大運含珠相對疇夜鵲思南鄉

露華清東甌百寶安可覩老龍鏤深秋究究

詩自我人究究如

情人盜者即仇讐海涯上皎潔九門更清幽亭亭勸金

樽疑夜久喘吳牛夷俗皆輕擲北山思全疑遊鴈聲故

鄉來客淚墮南洲平生煙霞志讀書覓封侯四海尚白

身豈無故鄉羞堦坎何足嘆壯如水中虬獵獵谷底蘭

搖搖波上鷗中逾疑喪資斧兩地生繁憂一杯太陰君

鷓鴣豈無求明日將片葉三山東南浮

雜題月

視月

虞騫

清夜未云疲細類聚作珠簾聊可發冷冷玉殿外映見蛾眉

月靡靡露方垂
暉暉光稍沒
佳人復千里
餘影徒揮忽

縣中庭看月

劉琬

移榻坐庭陰
初弦時復臨
侍兒能勸酒
貴客解彈琴
栢葉生疑內
桃花出髻心
月光移數尺
方知夜已深

林下月影

集本類聚
並作映月

劉孝綽

明明三五夜

集作月

垂影當高樹
攢柯伴玉蟾
衰葉映

集本

類聚並
作彰

金兔茲林有
夜坐嘯歌無
與晤側光聊
可書舍

毫且成賦

關山月

此詩見一百九十卷

王褒

詠月贈人

前人

月色當秋夜斜暉映薄帷上弦如半璧初魄似蛾眉渡
雲光忽駛中天影更遲高陽懷許掾對此憶相思

薄帷鑒明月

張正見

長河上月桂澄彩照高樓分簾如碎壁隔幔似垂鈎窓
外光恒滿帷中影暫流豈及西園夜長隨飛蓋遊

賦得三五明月夜

江總

三五兔輝成浮陰冷復輕隻輪悲類聚作非戰反團扇少歌聲雲前來往色水上動搖明况復高樓照何嗟攬不盈

明月引

盧照鄰

筮仕無中秩歸耕有外臣人歌小歲酒花舞大唐春草色迷三徑風光動四鄰願得長如此年年物候新

朗月行

張漸

朗月照簾晃清夜有餘姿洞房怨孤枕挾瑟愛前墀萱草已數葉梨花復過枝去歲草始榮與君新相知今年

花未落誰分生別離代情難重論人事好乖移合比月
華滿分同月易虧虧月當再圓人別星隕天吾欲竟此
曲意深不可傳歎息孤鸞鳥傷心明鏡前

月下獨酌

此詩見一百九十五卷

李白

金陵城西樓月下吟

前人

金陵夜寂涼風發獨上西樓望吳越白雲映水搖秋光

集作白露如珠滴

集作垂珠濕

秋月月下長吟久不歸古今

相接眼中稀解道澄江淨如練令人却憶謝玄暉

把酒問月

前人

青天有月來幾時我今停杯一問之人攀明月不可得

月行却與人相隨皎如飛鏡臨丹闕綠煙滅後集作青

輝發但見宵從海上來寧知曉向雲間沒白兔持藥秋

復春姮娥孤棲與誰隣今人不見古時月今月曾經照

古人古人今人若流水共看明月皆如此集作唯願當

歌對清酒集作酒時月光長照金罇裏

月宮詞

楊巨源

宮中月明何所似如積如流滿田地迴過前殿曾學眉
迴照長門慣催淚昭陽昨夜秋風來綺閣金鋪情疑影
開藻井浮花共陵亂玉階零露相徘徊稍映明河泛仙
馭滿窓猶在更衣處管弦迴燭無限情環珮憑欄不能
去皎皎蒼蒼千里同穿煙飄葉九門通珠簾欲卷畏成
水瑤席初陳驚似空復值君王事歡宴宮女三千一時
見飛蓋愁看素暈低稱觴願踏清輝遍江上無雲夜可
憐冒沙披浪自嬋娟若共心賞風流夜那比高高太液

前

溪上月

僧皎然

秋水月娟娟初生色界天
蟾光散浦淑素景動淪漣
何事無心見虧盈向夜禪

月夜泛舟

僧法振

西塞長雲盡南湖片月斜
漾舟人不見卧高僧詩入武

陵花

剡山夜月

六言

朱放

月在沃州山上人歸剡縣溪邊漠漠黃花覆水時時白
鷺鷥船

秋庭夜月有懷

李澄之

游客三江外單棲百慮遠山川憶處近形影夢中歸夜
月明虛帳秋風入擣衣從來不慣別况屬鴈南飛

和元郎中從八月十一至十五夜翫月五首

王建

半秋初入中旬夜已向階前守月明從未圓時看却好

一分一見傍輪生

二

亂雲遮却臺東月不許教依次第省莫為詩家先見境
被他籠與作艱難

三

今夜月明勝昨夜新添桂樹近東枝立多地濕昇床坐
看過牆西寸寸遲

四

月似圓來色漸凝玉盆生水欲侵梳夜深盡放家人睡

雜詠作
佳人醉直到天明不炷燈

五

合望月時長望月分明不得似今年仰頭五夜風中立

從未圓時看到圓

一作從未圓
圓直到圓

月夜寄微之憶樂天

劉禹錫

今宵帝城月一望雪相似遙想洛陽城清光正如此知

君當此夕亦望臨

集作
鏡

湖水展轉相憶心明月

集作千
月明

萬里

江樓望月

白居易

嘉陵江曲曲江池，明月誰同人別離。
一宵光景潛相憶，兩地陰晴遠不知。
誰料江邊懷我意，正當池畔望君時。
今朝共語方同悔，不解多情先寄詩。

山中問月

前人

為問長安月，誰教不暫離。
集作相思 必切離昔隨飛蓋處，今照

入山時。借助秋懷曠，留連夜卧遲。
如歸舊鄉國，似對好

親知松下行為伴，谿頭坐有期。千崑將萬壑，無處不相隨。

寒食夜月

前人

風香露重梨花濕，草舍無煙燈集作愁未入南鄰。十集作

里歌吹時獨倚，柴門月中立。

宿藍橋題月

前人

昨夜鳳池頭，今夜藍一作溪橋口。明月本無心，行人自回

首。新秋松影下，半夜鐘聲後。清影不宜昏，聊將茶代酒。

宿陽城驛題月

前人

親故尋回駕妻孥未出關
鳳凰池上月送我過南山

對琴待月

前人

竹院新晴夜松牕未卧時
共琴為老伴與月有愁期
玉軫臨風久金波出霧遲
幽音待清景惟是好集作我心知

西樓月

前人

悄悄復悄悄城隅隱林杪
山郭燈火稀峽天星漢少年
光東流水生計南枝鳥月沒
江沉沉西樓殊未曉

禁中月

前人

海上明月出禁中秋夜長
東南樓殿白稍稍上宮墻
淨落金盤水明浮玉砌
霜不比人間見塵土汗清光

客中月

前人

客從江南來來時月上弦
悠悠行旅中三見清光圓
曉隨殘月行夕與新月宿
誰謂月無情千里遠相逐
朝發渭水流暮入長安陌
不知今夜月又作誰家客

客中月

于武陵

離家凡幾宵一望一寂寥
新魄又將滿故鄉應漸遙
猶臨彭蠡水遠憶洛陽橋
更有乘舟客悽然亦駐橈

霜月

李商隱

初聞征鴈已無蟬
百尺樓臺水接天
青女素娥俱耐冷
月中霜裏鬪嬋娟

月夕

前人

草下陰蟲葉下集作霜
朱欄迢遞壓湖光
兔寒蟾冷桂

花白此夜姮娥應斷腸

星

月夜觀星

隋煬帝

團團素月淨脩脩夕景清
谷泉驚暗石松風動夜聲
披衣出荆戶躡履步山楹
欣覩明堂亮喜見太階平
觜參猶可識牛女初學記
作女牛尚分明
更移斗柄轉夜久天河橫
徘徊不能寐參差幾種情

奉和御製月夜觀星示百僚 諸葛穎

窈窕神居遠蕭條更漏深
薄煙淨逸色高樹宿清陰
星

月滿茲夜燦爛還相臨連珠欲東上團扇漸西沉澄水
含斜漢修樹隱橫參時聞送籌柝屢見繞枝禽聖情寄
餘事振玉復鳴金

同前

袁慶

六龍初匿影顧兔始馳光戒井

文選刻漏銘
徽宮戒井

傳宵漏山

庭引夕涼宸居多勝託閒步出琳堂爛爛星芒動耿耿

清河長清

初學記
作情

道移天駟北極轉文昌喬枝猶隱畢

絕嶺半侵張仰觀留玉裕

文選陸士衡宣猷
堂詩天姿玉裕

睿作動金

相無庸徒扣寂何以繼連章

同前

蕭琮

陽精去南陸大

疑作火

耀始西流夕風淒謝暑夜氣應新

秋重門月已映巖城漏漸修臨風出累榭度月蔽層樓
靈河隔神女仙轡動星牛玉衡指棟落瑤光對幌留徒
知仰閭闔乘槎未有由

同前

虞世南

旦秋炎景暮初弦月彩新清風滌暑氣文露淨竄塵藹

霧銷輕縠鮮雲卷夕鱗休光灼前耀瑞彩接重輪緣情
摘聖藻並作命徐陳宿草誠渝溢吹噓偶縉紳天文豈
易述徒知仰北辰

星名

辛德源

邊侵昏高柳燿光照離宮明堂發三令鈞陳集五戎素

羽麾全月牛疑旗引半虹虎落驚氛斂龍城宿霧通繫

疑作擊鐘張大樂置酒宴羣公關山無復阻車書方大同

詠星

董思恭

歷歷東井舍昭昭右掖垣雲際龍文出池中鳥色翻流
輝下月露墜影入河源方知潁川集別有太丘門

同前

李 嶠

蜀郡靈槎轉豐城寶劍

集作氣

新將軍臨北塞天子入西

秦未作三台輔寧為五老臣今宵潁川曲誰識聚賢人

江邊星月二首

杜 甫

驟雨清秋夜金波耿玉繩天河元自白江浦向來澄映
物連珠斷綠空一鏡昇餘光隱更漏况乃露華凝

二

江月辭風檻

集作
纜

江星別霧船
鷄鳴還曙色
鷺浴自清

川歷歷竟誰種
悠悠何處圓
客愁殊未已
他夕始相鮮

文苑英華卷一百五十二